

傷寒正醫四錄

二



表裡辨十三條

發熱惡寒惡風頭痛身痛腰脊強目痛鼻乾不眠胸脇痛耳聾寒熱脉浮而大或緊而緩者表也無汗脉浮緊有力表實也有汗脉浮緩無力表虛也

不惡寒不惡熱掌心脇下汗出腹鞭滿嘔大便不通小便如常腹痛腹鳴自利譫語潮熱咽乾舌乾口渴舌胎白黃黑者裡也腹鞭痛便閉渴潮熱譫語脉有力裡實也嘔吐自利脉無力裡虛也吐利更分寒熱宜辨

陽邪在表則表熱陰邪在表則表寒陽邪在裡則裡熱



陰邪在裡則裡寒。邪在半表半裡則寒熱往來。邪在表心腹不滿。在裡則腹痛。邪在表則呻吟不安。在裡則躁煩悶。邪在表則能食。在裡則不能食。不欲食者邪在半表半裡。未至不能食也。在表則不煩不嘔。在裡則煩滿而嘔。凡初見煩嘔邪方自表而入裡。不可遽攻下。有表裡俱寔俱虛。有表寔裡虛。表虛裡寔。諸症俱宜隨時細審。如病尚在表而脉反沉微。但當救裡。以助陽散寒是也。

似同寔異辨

太陽症。頭痛發熱。當脉浮而反沉。似少陰症矣。故用麻黃

附子細辛湯

少陰脉沉。始得之。反發熱。似太陽症矣。寔不同者。其熱不
翕翕然。症無頭疼。須甘草乾姜附子湯。

少陰腹痛下痢。與太陰相似。寔不同者。太陰不渴。少陰則
渴。太陰手足溫。少陰手足厥也。

溫病與瘧病。皆似太陽。寔不同者。太陽惡寒而不渴。溫病
不惡風寒而渴也。太陽脉浮緊。瘧則脉沉細也。

傷寒與中暈相似。寔不同者。傷寒初起不渴。暈初起卽渴。



傷寒與冬溫相似而寔不同。傷寒脉浮緊。冬溫脉不浮也。太陽中濕與太陽傷寒相似。寔不同者。傷寒脉浮緊。濕脉沉細也。中濕與瘧更有別者。濕則身疼。瘧則身不疼。暑脉虛細。又微弱。又弦細。芤遲與瘧濕脉相似。其不同者。暑則自汗而渴。身不疼。濕則不渴而身疼。瘧則不疼。太陽中風見寒脉。用大青龍。與太陽傷寒相似。所不同者。有煩躁也。麻黃症則無煩躁。

太陽傷寒見風脉。用大青龍。與中寒濕相似。有不同者。傷寒脉浮緩。寒濕脉沉細也。



小青龍症與小柴胡症相似。特小青龍症無寒熱往來。胸脇痛滿之症。但有乾嘔發熱而欬。此爲表不解。水停心下也。卽或有與小柴胡症相似者。終無半表裡爲異耳。陰症四肢厥逆。陽症亦有厥逆。此四逆湯與四逆散不同。陰症下痢。而陽症亦有漏底。故理中湯與黃龍湯不同。活人云。病人脉浮而大。是表症當汗。若發熱煩躁。小便赤。却當下。此是表裏俱見。五苓散主之。

傷寒六七日不大便。頭痛有熱。是裡症當下。若小便清者。邪仍在表也。兩症俱見。卽未可下。當發汗。用桂枝湯。

病人。心下滿。口不欲食。大便堅。脉沉細。是裡症當下。若頭汗出。微惡寒。手足冷。却當汗。此兩症俱見。仲景所謂半表半裡也。小柴胡。

太陽表未除。而因數下之。致挾熱而利。心下痞鞭。謂之表裡不解。桂枝人參湯。

太陽病。膚手悞下之。遂爾腹痛。是有表復有裡。桂枝加芍藥湯。痛甚者。桂枝加大黃。

太陽桂枝症。醫悞下之。利遂不止。脉促者。表未解也。喘而汗出者。葛根黃芩湯。

煩躁口苦腹滿而喘發熱汗出不惡寒反惡熱陽明也。若
脉反浮而緊是表裡俱見不可汗與下。梔子豉湯吐之。
王海藏曰大柴胡治表裡內外俱熱症在表者或脉浮或
頭痛惡風惡寒四者但有一二尚在乃十三日過經不
解也。治裡者或譫語或妄語或擲手揚視皆裡之急者
也。欲汗之則裡症已急欲下之表症猶在通宜大柴胡。
又云如均是身體痛脉浮發熱頭痛身體痛者爲表未解。
麻黃桂枝湯。脉沉自利身體痛者爲裡不和四逆湯。
均是發熱有身熱不渴爲表有熱小柴胡加桂主之。



厥而脉滑爲裡有熱。人參白虎湯。均是惡寒有熱而

惡寒者。發於陽也。麻黃桂枝小柴胡湯。無熱而惡寒者。

發於陰也。附子四逆湯。均是水氣乾嘔微利發熱而

欬爲表有水。小青龍加芫花。體涼表症罷。欬而脇下痛

者。爲裡有水。十棗湯。

麻黃湯治太陽之無汗也。然陽明無汗而喘亦用之。太陽

陽明合病喘而胸滿亦用之。此麻黃之通變也。桂枝湯

治有汗中風也。而陽明如瘧狀。日晡發熱宜發汗者亦

用之。太陰脉浮可發汗者。厥陰下利腹脹身痛宜攻表



者俱用之。此桂枝之通變也。小柴胡治少陽之寒熱往來也。而陽明之潮熱胸滿。與脉弦浮大。不得汗。脇痛身黃者。俱用之。婦人熱入血室。亦用此小柴胡之通變也。從症不從脉。

脉浮宜汗。若浮大。心下硬。有熱者。屬藏攻之。

脉沉宜下。若少陰始得之。反發熱。脉沉。麻黃附子細辛湯。

汗之。蓋熟附配麻黃。發中有補也。

脉促宜清。若促而厥冷。爲虛脫。溫之。

脉遲宜溫。若陽明脉遲。澀澀汗出。承氣下之。



從脉不從症

表症宜汗。然發熱頭痛。脉反沉。身疼。用四逆湯。

裡症宜下。日晡發熱。屬陽明。若脉浮虛者。桂枝汗之。

結胸宜下。然脉浮大者。下之必死。當治其表。

身痛宜解表。然尺遲。勿汗。血不足也。當調其營。

太陽病。脉當浮。今不浮而反沉者。裡必虛寒。身雖痛。但當

救裡。用乾姜配生附。使正氣內強。逼汗外出。蓋生附配

乾姜。補中有發也。

○汗吐下溫九條



可汗

頭項痛。腰背肢節體痛拘急。惡寒。惡風。翕翕發

熱。脉浮緊。浮數。

傷寒發表之法。皆隨症施治。曲盡其妙。如太陽中風。桂枝

湯。加喘者。桂枝厚朴杏子湯。凡有汗。惡風者。桂

枝加葛根湯。形如瘡狀。日二三發者。桂枝麻黃各半

湯。日再發者。桂枝二麻黃一湯。傷風凡凡無汗。惡

風者。葛根湯。惡風無汗而喘者。麻黃湯。加煩躁者。

大青龍湯。和解。如小青龍湯。桂枝二越婢一湯。

白虎湯。五苓散。柴胡桂枝湯。少陰之麻黃附子。
細辛湯。麻黃附子湯。以上諸表汗方。仲景聖人豈
好爲區別。誠以有病則有經。有經則有藥治之耳。今之
不識何病何經何藥。盡以羌防柴葛概之者。有是理乎。
可恨更可笑。

不可汗。已詳載太陽寒傷營卷內。參看。

太陽自汗。不可發汗。非頭痛項強。非身熱惡寒。非
脉浮緊。俱不可發汗。咽乾鼻衄。不可發汗。瀉痢。氣動
風溫。濕溫。厥逆。脉沉微細弦。俱不可汗。已發

汗不可再汗。凡發汗須令微汗出。周身皆遍。不可如水淋漓。亦不可汗後見風。

可下

發汗不解。腹滿痛者。下之。下痢三部皆平。按之心下鞭一者。下之。脉滑而數者。脉經曰。滑爲食病。仲景曰。滑則穀氣寔。又曰。寸脉浮大。按之反濇。尺亦微而濇。知有宿食下之。傷寒六七日。目中不了了。睛不和。無表裏証。大便難。身微熱。此爲寔也。經曰。諸脉屬於目。又曰。熱病目不明。熱不已者。腎水將絕。亟下之。陽明發熱。汗多。

則亡津液而內躁。下之。少陰二三日。邪入未深。卽作口燥咽乾。腎將絕也。急下之。少陰六七日。腹脹不大便。此邪熱入胃府也。土勝則水乾。亟下以救腎水。少陰利清水。色青。心下痛。口燥。以青爲肝色。肝邪乘腎。故下利。陽邪上攻。故口燥。此亦少陰入陽明府症。急下之。厥陰舌卷囊縮。論無治法。按寒極而縮者。宜附子四逆加吳茱萸湯。外用葱熨法。又陽明主潤宗筋。宗筋爲邪熱所攻。急引舌與睪丸。故卷而縮。當瀉陽以救陰。宜大承氣。

活人云。傷寒始發。熱惡寒。汗後則不惡寒。但倍發熱而躁。始脉浮而大。今脉洪寔。或沉數細。始惺靜。今狂語。此爲胃寔陽盛。再汗則死。須下之則愈。

有始得病。便變陽盛之症。須卽下之。不可拘以日數。更有心胸連腹臍大段。痞悶腹中痛。坐卧不安。胃悶喘急極者。亦不問他症。便下之。若失下。則氣血不通。四肢便厥。醫者倘疑是陰厥。投以熱藥。禍如反掌。

不可下

太陽外症未解。不可下。

脉浮大爲在表。

惡寒爲在表。



俱忌下。嘔多爲邪在上。不可下。陽明不能食。攻其

熱必噦。陽明應發汗。下之爲逆。太陽陽明合病。喘

而胸滿。不可下。宜麻黃湯清肺氣。胃邪自散。少陰陽

虛。尺脈弱澁者。不可下。脈數爲血虛。爲熱。下之則熱

邪入裏。血虛爲亡陰。結胸症。脈大者。不可下。惡水

者。不可下。下之則裡冷。不嗜食。完穀出。頭痛目黃者。

不可下。虛家不可下。陽微不可下。下之痞鞭。厥

逆不可下。

可吐。不可吐。

